

影宋本尚書正義

九

8418  
1107  
9








利學校



尚書注疏卷第九



國子祭酒上護軍曲阜縣開國子臣孔穎達奉

勅撰

商書上杉安房守藤原憲實寄進

盤庚上第九

盤庚中第十

盤庚下第十一

說命上第十二



說命中第十三

說命下第十四

高宗彤日第十五

西伯戡黎第十六

微子第十七

盤庚上第九

盤庚五遷將治亳

自湯至盤庚凡五遷都盤庚治亳民

咨胥怨

胥相也民不欲徙乃咨嗟憂愁相與怨上

作盤庚三篇

疏

盤庚至三篇正義曰商自成湯以來屢遷都邑仲丁河亶甲祖乙皆有言誥歷載於篇盤庚最在其後故序摠之自湯至盤庚凡五遷都今盤庚將欲遷居而治於亳之殷地民皆戀其故居不欲移徙咨嗟憂愁相與怨上盤庚以言辭誥之史敘其事作盤庚三篇傳自湯至亳殷正義曰經言不常厥邑于今五邦故序言盤庚五遷傳嫌一身五遷故辯之云自湯至盤庚凡五遷都也上文言自契至于成湯八遷并數湯為八此言盤庚五遷又并數湯為五湯一人再數故班固云殷人屢遷前八後五其實正十二也此序云盤庚將治亳殷下傳云殷亳之別名則亳殷即是一都湯遷還從先王居也汲冢古文云盤庚自奄遷于殷殷在鄴南三十里東哲云尚書序盤庚五遷將治亳殷舊說以為居亳亳殷在河南孔子壁中尚書云將始宅殷是與古文不同也漢書項羽傳云洹水南殷墟上



今安陽西有殷東哲以殷在河北與亳異也然孔子  
子辭內之書安國先得其本此將治亳殷不可作  
將始宅殷亳字摩滅容或為宅辭內之書安國先  
得治皆作亂其字與始不類無緣誤作始字知東  
哲不見辭內之書妄為說耳若洹水之南有殷墟  
或當餘王居之非盤庚也盤庚治於亳殷紂滅在  
於朝歌則盤庚以後遷於河北蓋盤庚後王有從  
河南亳地遷於洹水之南後又遷于朝歌 傳胥  
相至怨上 正義曰釋詁云胥皆也相亦是皆義  
故通訓胥為相也民不欲徙乃咨嗟憂愁相與怨  
上經云民不適有居是怨上之事也仲丁祖乙亦  
是遷都序無民怨之言此獨有怨者盤庚祖乙之  
曾孫也祖乙遷都於此至今多歷年世民居已久  
戀舊情深前三徙誥今則行曉喻之易故無此  
言此則民怨之深故序獨有此事彼各一篇而此  
獨三篇者謂民怨上故勸誘之難也民不欲遷而

盤庚必遷者鄭玄云祖乙居耿後奢侈踰禮土地  
迫近山川嘗圯焉至陽甲立盤庚為之臣乃謀徙  
居湯舊都又序注云民居耿久奢淫成俗故不樂  
徙王肅云自祖乙五世至盤庚元兄陽甲宮室奢  
侈下民邑居墊隘水泉馮鹵不可以行政化故徙  
都於般皇甫謐云耿在河北迫近山川自祖辛  
以來民皆奢侈故盤庚遷於般此三者之說皆言奢侈  
鄭玄既言君奢又言民奢王肅專謂君奢皇甫謐專  
謂民奢言君奢者以天子宮室奢侈侵奪下民言  
民奢者以豪民室宇過度逼迫貧乏皆為細民弱  
劣無所容居欲遷都改制以寬之富民戀舊故違  
上意不欲遷也案檢孔傳無奢侈之語惟下篇云  
今我民用蕩析離居罔有定極傳云水泉沈溺故  
蕩析離居無安定之極徙以為之極孔意蓋以地  
勢洿下又久居水變水泉馮鹵不可行化故遷  
都不必為奢侈也此以君名名篇必是為君時事



而鄭玄以為上篇是盤庚為  
臣時事何得專輒謬妄也  
**盤庚** 盤庚殷王名

**疏** 盤庚 正義曰此三篇皆以民不樂遷開解  
民意告以不遷之害遷都之善也中上二篇

未遷時事下篇既遷後事上篇人皆怨上初啓民心  
故其辭尤切中篇民以少悟故其辭稍緩下篇民

既從遷故辭復益緩哀十一年左傳引此篇云盤  
庚之誥則此篇皆誥辭也題篇不目盤庚誥者王

肅云取其徙而立功故但以盤庚名篇然仲丁祖  
乙河亶甲等皆以王名名篇則是史意異耳未必

見他義 傳殷質以名篇 正義曰周書謚法成  
王時作故相六年左傳云周人以諱事神殷時質

未諱君名故以王名名篇也上仲丁祖乙亦是王  
名於此始作傳者以上篇經亡此經稱盤庚故就

此解之史記殷本紀云盤庚崩弟小辛立殷復衰  
百姓思盤庚乃作盤庚三篇與此序違非也鄭玄

云盤庚湯十世孫祖乙之曾孫以五遷繼湯篇次  
祖乙故繼之于上累之祖乙為湯玄孫七世也又

加祖乙復其祖父通盤庚故十世本紀云祖乙崩  
子祖辛立崩子開甲立崩弟祖丁立崩開甲之子

南庚立崩祖丁子陽甲立崩弟盤庚立是祖乙  
生祖辛祖辛生祖丁祖丁生盤庚故為曾孫 **盤**

**庚遷于般** 亳之 民不適有居 適之也不欲  
別名 之般有邑居

**率籲衆慙出矢言** 籲和也 率和衆憂  
之人出正直之言 **曰我**

**王來既爰宅于茲** 我王祖乙居耿爰於  
也言祖乙已居於此 **重我**

**民無盡劉** 劉殺也 所以遷此重  
我民無欲盡殺故 **不能胥匡以**

**生卜稽曰其如台** 言民不能相匡以生則當卜  
考於龜以徙曰其如我所行



先王有服恪謹天命茲猶不常寧

先王有所服行

敬謹天命如此尚不常安有可遷輒遷

不常厥邑于今五邦

湯

亳仲丁遷蹕河亶甲居相祖乙居耿我往居亳凡五徙國都

今不承于古罔

知天之斷命

今不承古而徙是無知天將斷絕汝命

矧曰其克

從先王之烈

天將絕命尚無知之況能從先王之業乎

若顛木之

有由蘖

言今往遷都更求昌盛如顛仆之木有用生蘖哉

天其永我

命于茲新邑

言天其長我命於此新邑不可不徙

紹復先王之

大業底綏四方

言我徙欲如此

**疏**

盤庚至四方正義曰盤庚欲遷於

亳之躬地其民不欲適彼躬地別有邑居莫不憂  
愁相與怨上盤庚率領和諧其衆憂之人出正直  
之言以曉告曰我先王初居此者從舊都來於是  
宅於此地所以遷於此者為重我民無欲盡殺故  
先王以久居墊隘不遷則死見下民不能相匡正  
以生故謀而來徙以徙為善未敢專決又考卜於  
龜以徙既獲吉兆乃曰其如我所行欲徙之吉先  
王成湯以來凡有所服行敬順天命如此尚不常  
安可徙則徙不常其邑於今五邦矣今若不承於  
古徙以避害則是無知天將斷絕汝命矣天將絕  
命尚不能知況曰其能從先王之基業乎今我往  
遷都更求昌盛若顛仆之木有用生蘖哉人襄更求  
盛猶木死生蘖哉我今遷向新都上天其必長我躬  
之王命於此新邑繼復先王之大業致行其道以安  
四方之人我徙欲如此耳汝等何以不願徙乎前云  
若不徙以避害則天將絕汝命謂絕臣民之命明亦



絕我殷王之命復去若遷往新都天其長我殷之王  
命明亦長臣民之命互文也 傳亳之別名 正義  
曰此序先亳後殷亳是大名殷是亳內之別名鄭玄  
云商家自徙此而號曰殷鄭以此前未有殷名也中  
篇云殷降大虐將遷於殷先正其號明知於此號為  
殷也雖兼號為殷而商名不改或稱商或稱殷又有  
兼稱殷商商頌云商邑翼翼捷彼殷武是單稱之  
也又大雅云殷商之旅咨汝殷商是兼稱之也亳  
是殷地大名故殷社謂之亳社其亳鄭玄以為偃  
師皇甫謐以為梁國穀熟縣或云濟陰亳縣說既  
不同未知誰是 傳適之至邑居 正義曰釋詁  
云適之往也俱訓為往故適得為之 不欲往彼殷  
地別有新邑居也 傳顛和至之言 正義曰顛  
即裕也是寬意故為和也憂則不和戚訓憂也故  
率和眾憂之人出正直之言詩云其直如矢故以  
矢言為正直之言 傳我王至於此 正義曰孔

以祖乙圮於相地遷都於耿今盤庚自耿遷于殷以  
我王為祖乙此謂耿也 傳劉殺至殺故 正  
義曰劉殺釋詁文水泉鹹鹵不可行化王化不行  
殺民之道先王所以去彼遷此者重我民無欲盡  
殺故也 傳言民至所行 正義曰不徙所以不  
能相匡以生者謂水泉沈溺人民困苦不能從教  
相匡正以生又考卜於龜以徙周禮太卜大遷則  
貞龜是遷必卜也 傳先王至輒遷 正義曰下  
云于今五邦自湯以來數之則此言先王摠謂成  
湯至祖乙也先王有所服行謂行有典法言能敬  
順天命即是有所服行也盤庚言先王敬順天命  
如此尚不常安有可遷輒遷況我不能敬順天命  
不遷民必死矣故不可不遷也 傳湯遷至國都  
正義曰孔以盤庚意在必遷故通數我往居亳為  
五邦鄭王皆云湯自商徙亳數商亳嚚相耿為五  
計湯既遷亳始建王業此言先王遷都不得遠數



居亳之前充此數也 傳言今至藥哉 正義曰 釋詁云枿餘也李巡曰枿槁木之餘也郭璞云晉 衛之間曰枿是言木死顛仆其根更生藥哉此都 毀壞若枯死之木若棄去毀壞之邑更得昌盛猶 顛仆枯死之 木用生藥哉 **盤庚** 敷于民由乃在位以常

**舊服正法度** 教教也教人使用汝在位 之命用常故事正其法度 **曰無或**

**敢伏小人之收箴** 言無有敢伏絕小人之 所欲箴規上者戒朝臣 **疏** 盤

至攸箴 正義曰前既略言遷意今復並戒臣民 盤庚先教於民云汝等當用汝在位之命用舊常 故事正其法度欲令民從從其臣言也民從上命即 是常事法度也又戒臣曰汝等無有敢伏絕小人 之所欲箴規上者 傳敷教至朝臣 正義曰文 王世子云小樂正敷于太胥贊之籥師敷戈籥師

丞贊之彼並是教舞于戈知敷為教也小民等患 水泉沈溺欲箴規上而徙汝臣下勿抑塞伏絕之 鄭玄云奢侈之俗小民咸苦之欲言於 **王命衆** 王今將屬民而詢焉故勅以無伏之

**悉至于庭** 衆群臣 **疏** 衆羣臣以下 正義曰 政以致萬民而詢焉一曰詢國危二曰詢國遷三

曰詢立君是國將大遷必詢及於萬民故知衆悉 至王庭是羣臣以下謂及下民也民不欲徙 由臣不助王勸民故已下多是責臣之辭 **王若**

**曰格汝衆予告汝訓** 告汝以 **汝猷黜乃心無**

**傲從康** 謀退汝違上之心 **古我先王亦惟圖**

**任舊人共政** 先王謀任以老 **疏** 傳先王 正義 成人共治其政 **曰此篇所言先**



王其文無指斥者皆謂成湯以來諸賢王也下言  
神后高后者指謂湯耳下篇言古我先王適于山  
者乃謂遷都之二仲丁祖乙之等也此言先王謂  
先世賢王此既言先王下句王播告之王用丕欽  
蒙上之先不王播告之修不匿厥指王布告  
言先省文也  
**疏**傳王布至其指正義曰上句言先  
修之政不**疏**王用舊人共政下云王播告之修當  
謂告臣耳傳言布告人者以下云王用丕欽罔  
民用丕變是必告臣亦又告民

有逸言民用丕變王用大敬其政教無有逸  
豫之言民用大變從化

今汝聒聒起信險膚予弗知乃所訟聒聒  
無知

之貌起信險偽膚受之言  
我不知汝所訟言何謂  
**疏**傳聒聒至何謂正義曰鄭玄云聒讀如

聒耳之聒聒聒難告之貌王肅云聒聒善自用之  
意也此傳以聒聒為無知之貌以聒聒是多言亂  
人之意也起信險膚者言發起所行專信此險偽  
膚受淺近之言信此浮言妄有爭訟我不知汝所  
訟言何謂  
言無理也  
非予自荒茲德惟汝含德不惕

予一人予若觀火我之欲徒非廢此德汝不從  
我命所舍惡德但不畏懼我

耳我視汝非予至觀火正義曰言先王勸其  
情如視火**疏**教民用大變我命教汝汝不肯徒非

我自廢此不欽之德惟汝之所舍德甚惡不畏懼  
我一人故耳汝含藏此意謂我不知我見汝情若

觀火言見之分予亦拙謀作乃逸逸過也我  
不威脅汝

明如視火也  
徒是我拙傳逸過至汝過正義曰逸過釋言  
謀成汝過  
**疏**文我若以威加汝汝自不敢不遷則



無違上之過也我不威脅汝徙乃是我亦拙若網謀作成汝過也恨民以恩導之而不從已也

在網有條而不紊若農服田力穡乃亦有

秋紊亂也穡耕稼也下之順上當如網在網各有條理而不亂也農勤穡則有秋下承上則有福

**疏**傳紊亂至有福正義曰紊是絲亂故為亂也稼穡相對則種之曰稼斂之曰穡穡是秋收之名得為耕獲摠稱故云穡耕

汝克黜乃心施實稼下承上則有福福謂祿賞

德于民至于皆友丕乃敢大言汝有積

德汝羣臣能退汝違上之心施實德於民至于婚姻僚友則我大乃敢言汝有積德之臣乃不

畏戎毒于遠邇惰農自安不昏作勞

不服田畝越其罔有黍稷戎大昏強越於也言不欲徙則是不

畏大毒於遠近如怠惰之農苟自安疏傳戎大至逸不強作勞於田畝則黍稷無所有

義曰戎大昏強越於皆釋詁文孫炎曰昏夙夜之強也書曰不昏作勞引此解彼是亦讀此為昏也

鄭立讀昏為愍訓為勉也與孔不同傳云言不欲徙則是不畏大毒於遠近其意言不徙則有毒毒謂

禍患也遠近謂賒促言害至有早晚也不強於作勞則黍稷無所獲以喻不遷於新邑則福祿無所

有也此經情農弗昏無黍稷對上服汝不和吉田力穡乃亦有秋但其文有詳略耳

言于百姓惟汝自生毒責公卿不能和喻百官是自生毒害

**疏**傳責公至毒害正義曰此篇上下皆言民此獨云百姓則知百姓是百官也百姓既是百官



和吉言者又在百官之上知此經是責公卿不能和喻善言於百官使之樂遷也不和百官必將遇

禍是公卿乃敗禍茲宄以自災于厥身言汝自生毒害

率共徒是為敗禍乃既先惡于民乃奉其恫率共徒是為敗禍

汝悔身何及羣臣不欲徒是先惡於民恫痛也

而悔之則於疏傳羣臣至所及正義曰羣臣是身無所及

欲徒是乃先惡於相時儉民猶胥顧于箴言民也恫痛釋言文

其發有逸口矧予制乃短長之命言儉利小民尚

相顧於箴誨恐其發動有過口之患況我制汝曷汝死生之命而汝不相教從我是不若小民

弗告朕而胥動以浮言恐沈于衆曷何也責

其不以情告上而相恐動以浮言不徒恐汝沈溺於衆有禍害若火之燎于原

不可嚮通其猶可撲滅撲滅浮言不可信用火炎不可嚮近尚可

尚可刑則惟汝衆自作弗靖非予有咎刑我

戮汝非我咎也靖謀也疏相時至有咎正義曰

是汝自為非謀所致疏又責大臣不相教遷徙

是不如小民我視彼儉利小民猶尚相顧於箴規之言恐其發舉有過口之患故以言相規患之小

者尚知畏避況我為天子制汝短長之命威恩甚大汝不相教從我乃是汝不如小民汝若不欲徒何不以情告我而輒相恐動以浮華之言乃語民云國不可徙我恐汝自取沈溺於衆人而身被刑



戮之禍害此浮言流行若似火之燎於原野炎熾不可嚮近其猶可撲之使滅以喻浮言不可止息尚可刑戮使絕也若以刑戮加汝則是世衆自爲非謀所致此耳非我有咎過也傳曷何至禍害正義曰曷何同音故曷爲何也顧氏云汝以浮言恐動不徙更是無益我恐汝自取沈溺於衆人不免禍害也傳我刑至所致正義曰我刑戮汝汝自招之非我咎也靖謀釋詁文告民不徙者非善謀也由此而被刑戮是汝自爲非謀所致也

**器非求舊惟新**遲任古賢言人貴舊器貴新汝不徙是不貴舊**古我**

**先王暨乃祖乃父疋百及逸勤予敢動用非**

**罰**言古之君臣相與同勞逸子孫所宜法之我豈敢動用非常之罰脅汝乎**世選爾**

**勞予不掩爾善**選數也言我世世數汝功勤不掩蔽汝善是我忠於汝

**茲予大享于先王爾祖其從與享之**古者

天子錄功臣配食於廟大享烝嘗也所以不掩汝善**作福作災予亦不**

**敢動用非德**善自作福惡自作災我不敢動用非罰加汝非德賞汝乎從汝善惡

而報**疏**遲任至非德正義曰可遷即遷是先王之

之舊法古之賢人遲任有言曰人惟求舊器非求舊惟新言人貴舊器貴新汝不欲徙是不貴舊反遲任也古者我之先王及汝祖汝父相與同

逸豫同勤勞汝爲人子孫宜法父祖當與我同其

勞逸我豈敢動用非常之罰脅汝乎自先王以至於我世世數汝功勞我不掩蔽汝善是我忠於汝也

以此故我大享祭於先王汝祖其從我先王與在



宗廟而歆享之是我掩汝善也汝有善自作福  
汝有惡自作災我亦不敢動用非德之賞妄賞汝  
各從汝善惡而報之耳其意告臣言從上必有賞  
違我必有罰也 傳違任至貴舊 正義曰其人  
既沒其言立於後世知是古賢人也鄭玄云古之  
賢史王肅云古老成人皆謂賢也 傳選數至於  
汝 正義曰釋詁云算數也舍人曰釋數之曰算選即  
算也故訓為數經言世世數汝功勞是從先王至已  
常行此事故云是我忠於汝也言已之忠責臣之  
不忠也 傳古者至汝善 正義曰周禮大宗伯  
祭祀之名天神曰祀地祇曰祭人鬼曰享此大享  
於先王謂天子祭宗廟也傳解天子祭廟得有臣  
祖與享之意言古者天子錄功臣配食於廟故臣  
之先祖得與享之也古者孔氏據已而道前世也  
此殷時已然矣大享烝嘗者烝嘗是秋冬祭名謂  
之大享者以事各有對若烝嘗對禘禘則禘禘為

大烝嘗為小若四時自相對則烝嘗為大禘禘為  
小以秋冬物成可薦者衆故烝嘗為大春夏物未  
成可薦者少故禘禘為小也知烝嘗有功臣與祭  
者案周禮司勳云凡有功者銘書於王之太常祭  
於大烝司勳詔之是也嘗是烝之類而傳以嘗配  
之魯頌曰秋而載嘗是也祭統云內祭則大嘗禘  
是也外祭則郊社是也然彼以禘為大嘗知此不  
以烝嘗時為禘禘而直據時祭者以殷禘於三時  
非獨烝嘗也秋冬之祭尚及功臣則禘禘可知惟  
春夏不可耳以物未成故也近代已來惟禘禘乃  
祭功臣配食時祭不及之也近代已來功臣配食  
各配所事之君若所事之君其廟已毀時祭不祭  
毀廟其君尚不時祭其臣固當止矣禘禘則毀廟  
之主亦在焉其時功臣亦當在也王制云禘禘禘  
禘禘嘗禘烝諸侯禘禘禘一禘一禘嘗禘烝禘此  
王制之文夏殷之制天子春惟時祭其夏秋冬既



為禘又為時祭諸侯亦春為時祭夏惟作禘不作  
時祭秋冬先作時祭而後禘周則春日祠夏日禘  
三年一禘在秋五年一禘在夏故公羊傳云五年  
再躬祭禮緯云三年一禘五年一禘此是鄭氏之義  
未知孔  
意如何  
予告汝于難若射之有志告汝行  
當如射之有所準正義曰既言  
志必中所志乃善疏作福作災由人行有善惡故  
復教臣行善我告汝於行事之難猶如射之有所  
準志志之所主欲得中也必中所志乃為善耳以  
喻人將有行豫思念之行得其道為善耳其意言  
遷都是善道當念從我言也 傳告汝至乃善  
正義曰此傳惟順經文不言喻意鄭玄云我告汝  
於我心至難矣夫射者張弓屬矢而志在所射必  
中然後發之為政之道亦如是也 汝無侮老成  
以已心度之可施於彼然後出之

人無弱孤有幼

不用老成人之言是侮老之  
不徙則孤幼受害是弱易之  
**疏**

傳不用至易之

正義曰老謂見其年老謂其無所

復知弱謂見其幼弱謂其未有所識鄭云老弱皆  
輕忽之意也老成人之言云可徙不用其言是侮  
老之也不徙則水泉鹹鹵孤幼受害不念其害則是

卑弱輕

易之也各長于厥居勉出乃力聽予一人

之作猷

盤庚勅臣下各思長於其居  
勉盡心出力聽從遷徙之謀  
**疏**傳盤庚

正義曰於時羣臣難毀其居宅惟見目前之利不  
思長久之計其臣非一為共為此心盤庚勅臣下各  
思長久於其居處勉強盡心出力聽  
從我遷徙之謀自此以下皆是也無有遠邇

用罪伐厥死用德彰厥善

言遠近待之如  
一罪以懲之使



勿犯伐去其死道德以明之使勸慕競為善**疏**無有至厥善正義曰此即遷徙之謀也言我  
至新都撫養在下無有遠之與近必當待之如一用刑殺之罪伐去其死道用照察之德彰明其行  
善有過罪以懲之使民不犯非法死刑不用是伐去其死道伐若伐樹然言止而不復行用也有善  
者人主以照察之德加賞祿以明之使競慕為善是彰其善也此二句相對上言用罪伐厥死下宜  
言用賞彰厥生不然者上言用刑下言賞善死是刑之重者舉重故言死有善乃可賞故言彰厥善  
行賞是德故以德言賞人生是常無善亦生不得言彰厥生故文互**邦之臧惟汝**  
**衆**有善則衆**邦之不臧惟予一人有佚罰**  
佚失也是已失政之罰罪己之義**凡爾衆其惟致告**致我誠自

今至于後日各恭爾事齊乃位度乃

**口**奉其職事正齊其位**疏**度乃口正義曰度法以法度居汝口勿浮言

汝口**罰及爾身弗可悔**不從我謀罰及汝身雖悔可及乎

盤庚中第十

盤庚作惟涉河以民遷為此南渡河之法用民徙乃話

民之弗率誕告用冒其有衆話善言民不循教發

善言大告用誠於衆**咸造勿褻在王庭**造至也衆皆至王庭無褻慢

盤庚乃登進厥民升進命**疏**盤庚至厥民正義曰盤庚使前



於時見都河北欲遷向河南作惟南渡河之法欲  
用民徒乃出善言以告曉民之不循教者大為教  
告用誠心於其所有之衆人於時衆人皆至無有  
褻慢之人盡在於王庭盤庚乃升進其民延之使  
前而教告之史敘其事以為盤庚發誥之目傳  
為此至民徙正義曰鄭玄云作渡河之具王肅  
去為此思南渡河之事此傳言南渡河之法皆謂  
造舟船渡河之具是濟水先後之次思其事而為  
之法也傳誥善至於衆正義曰釋誥云誥言  
也孫炎曰誥善人之言也王誥民不從教必發善  
言告之故以誥為善言鄭曰明聽朕言無荒  
立詩箋亦云誥善言也

**失朕命**

荒廢

嗚呼古我前后罔不惟民之

**承**

言我先世賢君無不承安民而恤之

保后胥感鮮以不浮于

**天時**

民亦安君之政相與憂行君令浮行也少以不行於天時者言皆行天時

**疏**傳

亦至天時正義曰以君承安民而憂之故民亦  
安君之政相與憂行君令使君令必行責時羣臣  
不憂行君令也舟船浮水而行故以浮為  
行也行天時也順時布政若月令之為也

**大虐先王不懷**

我般家於天降大災則先王不思故居而行徙

**疏**傳

般至行徙正義曰遷都者止為邑居墊隘水泉  
鹹鹵非為避天災也此傳以虐為災懷為思言般  
家於天降大災則先王不思故居而行徙者以天  
時人事終是相將邑居不可行化必將天降之災  
上云不能相匡以生罔知

**厥攸作視民利用**

**遷**

其所為視民有利則用徙

**汝曷弗念我古后之聞**



古君先王之聞謂遷事 承汝俾汝惟喜康共非汝有

咎比于罰 今我法先王惟民之承故承汝使汝徒惟與汝共喜安非謂汝有惡徒汝令比

近於 疏 承汝至于罰 正義曰先王為政惟民之殃罰 承今我亦法先王故承安汝使汝徒惟歡

喜安樂皆與汝共之非謂汝有咎惡而徙汝令比近於殃罰也 予若顛懷茲

新邑亦惟汝故以丕從厥志 言我順和懷此新邑

欲利汝眾故大 疏 予若至厥志 正義曰盤庚言從其志而徙之 我順於道理和協汝眾歸懷此

新邑者非直為我王家亦惟利汝眾故為此大從我本志而遷徙不有疑也 今予將

試以汝遷安定厥邦 試用 汝不憂朕心之攸

困 所困不順上命 乃咸大不宣乃心欽念以忱動

予一人 汝皆大不布腹心勸念以誠感動我是汝不盡忠 爾惟自鞠

自苦 鞠窮也言汝為君不忠自取窮苦 若乘舟汝弗濟臭

厥載 言不徙之害如舟在水中 疏 臭厥載 正義曰臭是氣

之別名古者香氣穢氣皆名為臭易云其臭如蘭謂香氣為臭也 晉語云惠公改葬申生臭徹於外

謂穢氣為臭也 下文覆述此意云無起穢以自臭則此臭謂穢氣也 肉敗則臭故以臭為敗船不渡

水則敗其所載物也 爾忱不屬惟胥以沈不其或稽

自怒曷瘳 汝忠誠不屬逮古苟不欲徙相與沈溺不考之先王禍至自怒何瘳差乎

小引六 尚乙 六 虞



**疏**爾忱至曷瘳 正義曰盤庚責其臣民汝等不用徙者由汝忠誠不能屬逮於古賢苟不欲徙

惟相與沈溺於衆不欲徙之言不其有考驗於先王遷徙之事汝既不考於古及其禍至乃自忿怒

何所瘳 汝不謀長以思乃災汝誕勸憂 正義曰

久之計思汝不徙之災苟 凡人以善自勸則善

不欲徙是大勸憂之道 則憂來衆是自勸勵以憂愁之道 今其有今

罔後汝何生在上 言不徙無後計汝何得 其

至在上 正義曰顧氏云責羣臣汝今日其且有

今日目前之小利無後日久長之計患禍將至汝何

得父生在今予命汝一無起穢以自臭 我

民上也

心命汝汝違 疏 今予至自臭 正義曰今我命汝

我是自臭敗 是我之一心也 汝當從我無得起

為穢惡以自臭敗汝違 恐人倚乃身迂乃心

言汝既不欲徙又為 疏 恐人至乃心 正義曰言

他人所誤倚曲迂僻 汝心既不欲徙旁人或更

誤汝我又恐他人倚曲汝身迂僻汝心使汝益不

用徙也 傳言汝至迂僻 正義曰人心不能自

決則好用非理之謀言汝既不欲遷徙又為他人

所誤盤庚疑其被誤故言此也以物倚物者必曲

故倚為曲也迂是迴也 子迂續乃命于天子

迴行必僻故迂為僻也 豈汝威用奉畜汝衆 迂迎也言我徙欲迎

脅汝乎用奉 畜養汝衆 疏 傳迂迎至汝衆 正義曰迂迎釋

畜養汝衆 疏 傳迂迎至汝衆 正義曰迂迎釋

大四十卷四十七

尚九

十一

可遷



命天意向汝我欲迎之天斷汝命我欲續之我今  
徙者欲迎續汝命於天豈以威脅汝乎遷都惟用  
奉養汝眾  
臣民耳  
予念我先神后之勞爾先予

丕克羞爾用懷爾然言我亦法湯大能進  
勞汝以義懷汝心而

汝違我是疏予念至爾然正義曰我念我先世  
汝反先人神后之君成湯愛勞汝之先人故我

大能進用汝與汝爵位用以道義懷安汝心耳然  
汝乃違我命是汝反先人也傳言我至先人

正義曰易稱神者妙萬物而為言也殷之先世神  
明之君惟有湯耳故知神后謂湯也下高后先后

與此神后一也神者言其通聖高者言其德尊此  
神后言先於高后略而不言先其下直言先后又

略而不言高從上省文也勞爾先謂愛之也勞者  
勤也閱其勤勞而慰勞之勞亦愛之義故論語云

愛之能勿勞乎是勞為愛也追言湯勞汝先則此  
所責之臣其祖於成湯之世已在朝廷世仕王朝  
而不用已命故責之深也失于政陳于茲高后丕乃崇

降罪疾曰曷虐朕民崇重也今既失政而  
陳久於此而不徙湯

必大重下罪疾於我曰汝萬民乃不生既予  
何為虐我民而不徙乎

一人猷同心不進進謀  
同心徙先后丕降與汝罪疾

曰曷不暨朕幼孫有比言非但罪我亦將罪  
汝幼孫盤庚自謂比

同故有爽德自上其罰汝汝罔能迪湯有  
明德

在天見汝情下罰汝疏失于至能迪正義曰盤  
汝無能道言無辭庚以民不願遷言神將罪



汝欲懼之使從已也我所以必須從者我今失於政教陳久於此民將有害高德之君成湯必忿我不從大乃重下罪疾於我曰何為殘虐我民而不徙乎我既欲徙而汝與萬民乃不進進與我一人謀計同心則我先君成湯大下與汝罪疾曰何故不與我幼孫盤庚有相親比同心徙乎汝不與我同心故湯有明德從上見汝之情其下罪罰於汝汝實有罪無所能道言無辭以自解說也 傳崇重至徙乎 正義曰崇重釋詁文又云塵久也孫炎曰陳居之久久則生塵矣古者塵陳同也故陳為久之義 傳不進至心徙 正義曰物之生長則必漸進故以生生為進進王肅亦然進進是同心願樂之意也此實責羣臣而言汝萬民者民心亦然因博及之 傳湯有至無辭 正義曰訓爽為明言其見下故稱明德詩稱三后在天死者精神在天故下言見汝

### 古我先后

既勞乃祖乃父

勞之共治人

汝共作我畜民

汝有戕則在乃心

戕殘也汝共我治民有殘人之心而不欲徙是反父祖之行

我先后綏乃祖乃父乃祖乃父乃斷

棄汝不救乃死

言我先王安汝父祖之忠今汝不忠汝父祖必斷絕棄汝

命不救汝死

**疏**

古我至乃死 正義曰又責羣臣古我先君成湯既愛勞汝祖汝父與之共治

民矣汝今共為我養民之官是我於汝與先君同也而汝有殘虐民之心非我令汝如此則在汝心自為此惡是汝反祖父之行雖汝祖父亦不祐汝我先君安汝祖汝父之忠汝祖汝父忠於先君必忿汝違我乃斷絕棄汝命不救汝死言汝違我命故汝祖父亦忿見湯罪汝不救汝死也 傳勞之



至治人 正義曰下句責臣之身云汝共作我畜  
民明先后勞其祖父是勞之共治民也 傳戕殘  
至之行 正義曰春秋宣十八年邾人戕郕子左  
傳云凡自虐其君曰弑自外曰戕戕為殘害之義  
故為殘也先后愛勞汝祖汝父與共治民汝祖父  
必有愛人之心作訓為也汝今共為我養民之官  
而有殘民之心而不用從以避害是汝反祖父之  
行盤庚距湯年世多矣臣父不及湯世而云父者  
與祖連 茲予有亂政同位具乃貝玉 亂治  
言也此 我有治政之臣同位於父祖不  
念盡忠但念貝玉而已言其貪 乃祖先父丕乃  
告我高后曰作丕刑于朕孫 言汝父祖見  
必大乃告湯曰作大刑於 迪高后丕乃崇降  
我子孫求討不忠之罪

**弗祥**

言汝父祖開道湯大重下不善  
以罰汝陳忠孝之義以督之

**疏**

茲予

祥 正義曰又責臣云汝祖父非徒不救汝死乃  
更請與汝罪於此我有治政之臣同位於其父祖  
其位與父祖同心與父祖異不念忠誠但念具汝  
貝玉而已言其貪而不忠也汝先祖先父以汝如  
此大乃告我高后曰為大刑於我子孫以此言開  
道我高后故我高后大乃下不善之殃以罰汝成  
湯與汝祖父皆欲罪汝汝何以不從我徒乎 傳  
亂治至其貪 正義曰亂治釋詁文舍人曰亂義  
之治也孫炎曰亂治之理也大臣理國之政此者  
所責之人故言於此我有治政之臣言其同位於  
父祖責其位同而心異也貝者水蟲古人取其甲  
以為貨如今之用錢然漢書食貨志具有其事貝  
是行用之貨也貝玉是物之最貴者責其貪財故  
舉二物以言之當時之臣不念盡忠於君但念具



貝玉而已言其貪也 傳言汝至之罪 正義曰

上句言成湯罪此諸臣其祖父不救子孫之死此

句言臣之祖父請成湯討其子孫以不從已故責

之益深先祖請討非盤庚所知原神之意而為之

辭以懼其子孫耳 傳言汝至督之 正義曰訓

迪為道言汝父祖開道湯也不從君為不忠違父

祖為不孝父祖開道湯下罰欲使 嗚呼今予告

從君順祖陳忠孝之義以督勵之 汝不易

凡所言皆 永斂大恤無胥絕遠 長

我言大憂行之無 汝分猷念以相從各設中

相與絕遠棄廢之 于乃心 羣臣當分明相與謀念和

以相從各設中正於汝心 乃有不吉

不善不道 顛越不恭暫遇茲宥 顛墮

為凶人 遺育無俾易種于茲新邑 不吉之人當割

也 不恭不奉上命暫遇人而 我乃劓殄滅之無

劫奪之為茲於外為宥於內 遺育無俾易種于茲新邑

絕滅之無遺長其類 往哉生生今予將試以

無使易種於此新邑 汝遷永建乃家 自今已往進進於善我用以

汝徙長立汝家卿大夫稱家 疏 嗚呼至乃家 正義曰盤庚以言事將畢欲戒

使入之故嗚呼而歎之今我告汝皆不易之事 言其難也事既不易當長敬我言大憂行之無相

絕遠棄廢之必須存心奉行汝羣臣臣分輩相與 計謀念和協以相從各設中正於汝心勿為殘害

之事汝羣臣若有不善不道墮墜禮法不恭上命 暫逢遇人即為茲宥而劫奪之我乃割絕滅之無

有遺餘生長所以然者欲無使易其種類於此新 邑

之



邑故耳自今以往哉汝當進進於善今我將用以  
汝遷長立汝家使汝在位傳諸子孫勿得違我言  
也 傳不易至之事 正義曰此易讀為難易之  
易不易言其難也王肅云告汝以命之不易亦以  
不易為難鄭立云我所以告汝者不變易言必行  
之謂盤庚自道已言必不改易與孔異 傳顛隕  
至於內 正義曰釋詁云隕落也隕墜也顛越也是  
從上倒下之言故以顛為隕越是遺落為墜也左傳僖九  
年齊桓公云恐隕越於下文十八年史克云弗敢  
失墜隕越遺落廢失之意故以隕墜不恭為不  
奉上命也暫遇人而劫奪之謂逢人即劫為之無  
已成十七年左傳曰亂在外為姦在內為宄是劫  
奪之事故以劫奪解其姦宄也 傳劓割至新邑  
正義曰五刑截鼻為劓故劓為割也育長釋詁文  
不吉之人當割絕滅之無遺長其類謂早殺其人  
不使得生子孫有此惡類也易種者即今俗語云

相染易也惡種在善人之中則善人亦變易為惡  
故絕其惡類無使易種於此新邑也滅去惡種乃  
是常法而言于此新邑者言已若至新都當整齊  
使潔清 傳自今至稱家 正義曰長立汝家謂  
賜之以族使子孫不絕左傳所謂諸侯命氏是  
也王朝大夫天子亦命之氏故云立汝家也

### 盤庚下第十一

盤庚既遷奠厥攸居乃正厥位

定其所居正郊

廟朝社綏爰有衆曰無戲怠懋建大命

安於有衆戒無戲怠勉立大教

今予其敷心腹腎腸歷告

爾百姓于朕志

布心腹言輸誠於百官以告志

罔罪爾衆



爾無共怒協比讒言予一人

羣臣前有此過故禁其後今我

不罪汝汝勿共怒我

**疏**

盤庚至一人

正義曰盤

處所乃正其郊廟朝社之位又屬民而聚之安慰於其所有之衆曰汝等自今以後無得遊戲怠惰勉力立行教命今我其布心腹腎腸輸寫誠信歷徧告汝百姓於我心志者欲遷之日民臣共怒盤庚盤庚恐其怖懼故開解之今我無復罪汝衆人我既不罪汝汝無得如前共爲忿怒協比讒言毀惡我一人怒其前愆與之更始也傳定其至之位正義曰訓攸爲所定其所居摠謂都城之內官府萬民之居處也鄭玄云徙主於民故先定其里宅所處次乃正宗廟朝廷之位如鄭之意奠厥攸居者止謂定民之居豈先令民居使足待其餘剩之處然後建王宮乎若留地以擬王宮即是

先定王居不得爲先定民矣孔惟言定其所居知是官民之居並定之也禮郊在國外左祖右社面

朝後市正厥位謂正此郊廟朝社之位也傳安於至大教正義曰鄭玄云勉立我大命使心識

教令常行之王肅云勉立大教建性命致之五福又案下句爾無共怒予一人是恐其不從已命此

句宜言我有教命汝當勉力立之鄭說如孔旨也傳布心至告志正義曰此論心所欲言腹內

之事耳以心爲五臟之主腹爲六腑之摠腸在腹內腎在心下舉腎腸以配腹心詩曰公侯腹心宜

十二年左傳云敢布腹心是腹心足以表內腎腸配言之也

于前功

言以遷徙多大前人之功美

適于山用降我凶德

嘉績于朕邦

徙必依山之險無城郭之勞下今



我民用蕩析離居罔有定極

水泉沈溺故蕩析離居無

安定之極徙以為之極 **疏** 古我至定極正義曰言古者我

故徙都而適于山險之處用下去我凶惡之德立

善功於我新國但徙來已久水泉沈溺今我在此

之民用播蕩分析離其居宅無有安定之極我今

徙而使之得其中也說其遷都之意亦欲多大前

人之功定民極也傳言以至功美正義曰古

我先王謂遷都者前人謂未遷者前人从居舊邑

民不能相匡以生則是居無功矣盤庚言先王以

此遷徙故多大前人之功美故我今遷亦欲多前

功矣傳徙必至我國正義曰先王至此五邦

不能盡知其地所都皆近山故摠稱適于山也易

坎卦彖云王公設險以守其國徙必依山之險欲

使下民無城郭之勞雖則近山不可全無城郭言

其防守易耳徙必近山則舊處新居皆有山矣而

云適于山者言其徙必依山不適平地不謂舊處

無山故徙就山也水泉鹹鹵民居墊隘時君不為

之徙即是凶惡之德其徙者是下去凶惡之德立

善功於我新遷之國也言下者凶德在身下而墜

去之傳水泉至之極正義曰民居積世穿掘

處多則水泉盈溢令人沈深而陷溺其處不可安

居播蕩分析離其居宅無安定之極極訓中也詩

云立我烝民莫匪爾極言民賴后稷之功莫

不得其中今為民失中故徙以為之中也爾謂

朕曷震動萬民以遷 言皆不明 **肆** 上帝將復

我高祖之德亂越我家 以徙故天將復湯 **朕**

德治理於我家

及篤敬承承民命用永地于新邑 言我當

與厚敬

五十五

沈文



之臣奉承民命 肆子冲人非廢厥謀弔由靈

用長居新邑 冲童童人謙也弔至靈善也 各非敢違卜用宏

非廢謂動謀於眾至用其善 茲責 宏責皆大也君臣用謀不

以為民立中汝等不明我心乃謂我何故震動萬

民以為此遷我以此遷之故上天將復我高祖成

湯之德治理於我家我當與厚敬之臣奉承民命

用是長居於此新邑以此須遷之故我童蒙之人

非敢廢其詢謀謀於眾人眾謀不同至用其善者

言善謀者皆欲遷都也又決之於龜卜而得吉我

與汝羣臣各非敢違卜用是必遷光大此遷都之

大業我徒本意如此耳 傳以徙至我家 正義

曰民害不徙違失湯德以徙之故天必祐我將使

復奉湯德令得治理於我家言由徙故天福之也

傳冲童至其善 正義曰冲童聲相近皆是幼

小之名自稱童人言已幼小無知故為謙也弔至

靈善皆釋詁文禮將有大事必謀於眾謀眾乃是

常理故言非廢謂動謀於眾言已不自專也眾謀

必有異見故至極用其善者 傳宏責至大業

正義曰宏責皆大也釋詁文樊光曰周禮云其聲

大而宏詩云有責其首是宏責皆為大之義也各

者非一之辭故為君臣用謀不敢違卜洪範云汝

則有大疑謀及卿士謀及卜筮言非敢違卜是既

謀及於眾又決於著龜也用大此遷都大謂立嘉

績以大 嗚呼邦伯師長百執事之人尚皆

之也 隱哉 國伯二伯及州牧也眾長公卿

也言當庶幾相隱括共為善政 予其懋

簡相爾念劭我眾 簡大相助也勉大 朕不肩

助汝念劭我眾民



好貨敢恭生人謀人之保居敘欽

任

也我不任貪貨之人敢奉用進進於善者人

之窮困能謀安其居者則我式序而勸之

至敘欽 正義曰言遷事已訖故歎而勸之嗚呼

國之長伯及眾官之長與百執事之人庶幾皆相

與隱括共為善政哉我其勉力大助汝等為善汝

當思念愛勸我之眾民我不任用好貨之人有人

果敢奉用進進於善見窮困之人能謀此窮困之

人安居者我乃次序而勸用之 傳國伯至善政

正義曰邦伯邦國之伯諸侯師長故為東西二伯

及九州之牧也鄭玄注禮記云躬之州長曰伯虞

夏及周皆曰牧此躬時而言牧者此乃鄭之所約

孔意不然故摠稱牧也師訓為眾眾長眾官之長

故為三公六卿也其百執事謂大夫以下諸有職

事之官皆是也此摠勸眾臣故二伯已下及執事

之人皆戒之也釋言云庶幾尚也反覆相訓故尚

為庶幾庶幸也幾冀也隱謂隱審也幸冀相與隱

審檢括共為善政欲其同心共為善也隱括必是

舊語不知本出何書何休公羊序云隱括使就繩

墨焉 傳簡大至眾民 正義曰簡大釋詁文又

云相助慮也俱訓為慮是相得為助也盤庚欲使

羣臣同心為善欲勉力大佐助之使皆念敬我眾



之與孔 今我既着告爾于朕志若否罔

有弗欽 已進告汝之後順於汝心與 無總于

貨寶生生自庸 無總貨寶以求位當 式敷

民德永有一心 用布示民必以德義 疏 今我至

正義曰今我既進而告汝於我心志矣其我所告

順合於汝心以否常以情告我無得有不敬者汝

等無得摠於貨寶以求官位當進進自用功德不

當用富也用此布示於民必以德義長任一心以

### 說命上第十二

### 高宗夢得說

盤庚弟小乙子名武丁德高可尊故號高宗夢得賢相其名曰

### 使百工營求諸野得諸傅巖

使百官以所夢

之形象經營求之於外 野得之於傅巖之谿 作說命三篇 命說為相

疏 高宗至三篇 正義曰殷之賢王有高宗者夢

以所夢之形象經營求之於野外得之于傅氏之

巖遂命以為相史敘其事作說命三篇 傳盤庚

至曰說 正義曰世本云盤庚崩弟小辛立崩弟

小乙立崩子武丁立是武丁為盤庚弟小乙子也

喪服四制云高宗者武丁武丁者殷之賢王也當

此之時殷衰而復興禮廢而復起中而高之故謂

之高宗是德高可尊故號高宗也經云爰立作相

尚

二

東



義曰以工為官見其求者衆多故舉百官言之使百官以所夢之形象經營求於外野皇甫謐云使百工寫其形象則謂工為工巧之人與孔異也釋水云水注川曰谿李巡曰水出於山入於川曰谿然則谿是水流之處巖是山崖之名序稱得諸傳巖傳云得之於傳巖之谿以巖是摠名故序言之耳傳命說至攝政正義曰經稱爰立作說命相是命為相也惟說命摠百官是使攝政也說命始求得而命之疏說命正義曰此三篇上篇言夢說始而命之疏求得而命之中篇說既摠百官戒王為政下篇王欲師說而學說報王為學之有益王又厲說以伊尹之功相對以成章史分序以為三篇也

**王宅憂亮陰三祀**  
陰三祀不言王居父憂信任冢宰默而不言已三年矣三年不言自是常事史錄此句於首

**疏** 王宅憂亮

者謂既免喪事可以言而猶不言故述此以發端也傳陰默至不言正義曰陰者幽闇之義默亦闇義故為默也易稱君子之道或默或語則默者不言之謂也無逸傳云乃有信默三年不言有此信默則既免喪其惟弗言除喪信謂信任冢宰也

言政 **羣臣咸諫于王曰嗚呼知之曰明哲明哲實作則**  
知事則為明智明天子惟君萬邦百官承式  
天下待令王言惟作命不言臣下罔攸稟令  
稟受命也王庸作書以誥曰以台正于四方台恐德弗類茲故弗言  
用臣下怪之故作誥類善也我



正四方恐德不善此故不言

恭默思道夢帝賚子良弼其

代予言夢天與我輔弼良乃審厥象俾以形

旁求于天下審所夢之人刻其形象說築傳

巖之野惟肖傳氏之巖在虞號之界通道

人築護此道說賢而隱代胥靡疏傳傳氏至之

築之以供食肖似所夢之形正義曰

傳以傳為氏此巖以傳為名明巖傍有姓傳之

民故云傳氏之巖也尸子云傳巖在北海之洲

傳言虞號之界孔必有所案據而言之也史記

殷本紀云是時說為胥靡築於傳險晉灼漢書

音義云胥相也靡隨也古者相隨坐輕刑之名

言於時築傳險則以杵築地傳說賢人必身不

犯罪而言其說為胥靡當是時代胥靡也傳云通

道所經有澗水壞道常使胥靡刑人築護此道

說賢而隱代胥靡築之以供食或亦有成丈也

殷本紀又云武丁得說舉以為相遂以傳險姓

之號曰傳說鄭云得諸傳巖高宗因以傳命說

為氏案序直言夢得說不言傳或如馬鄭之言

如高宗始命為傳氏不知舊何氏也皇甫謐云

高宗夢天賜賢人胥靡之衣裳之而來且云我

徒也姓傳名說天下得我者豈徒也哉武丁悟

我而說之曰傳者相也說者權說也天下當有傳



爰立作相王置諸其左右於是禮命立以命之

曰朝夕納誨以輔台德言當納諫誨直若金用

汝作礪鐵須礪以成利器若濟巨川用汝作舟楫渡

舟楫水待若歲大旱用汝作霖雨霖三日雨

三日雨正義曰隱九年左啓乃心沃朕心若

藥弗瞑眩厥疾弗瘳開汝心以沃我心如服藥必瞑眩極其病乃除

欲其出切言以自警啓乃至弗瘳正義曰當開汝心所

未知故也其沃我心須切至若服藥不使人瞑眩憤亂則其疾不得瘳愈言藥毒乃得除痛言切

乃得去惑也傳開汝至自警正義曰瞑眩者

令人憤悶之意也方言云凡飲藥而毒東齊海岱

間或謂之瞑或謂之眩郭璞曰瞑眩亦通語也然

則藥之攻病先使人瞑眩憤亂病乃得瘳傳言瞑

眩極者言悶極藥乃行也楚語稱衛武公作懿以

自警懿即大雅抑詩也切言出於傳說據王以為

自警也若跌弗視地厥足用傷跌必視地足乃無

聽惟暨乃僚罔不同心以匡乃辟與汝並官皆

同心以匡正汝君伊率先王迪我高后以康兆民言匡

君使循先王之道蹈嗚呼欽予時命其惟有終

成湯之蹤以安天下其職使有終說復于主曰惟木從繩則正后從

其職使有終說復于主曰惟木從繩則正后從



諫則聖

言木以繩直君以諫明

后克聖臣不命其承

君能受諫

則臣不待命其承意而諫之不敬順王之美命而諫者乎

疇敢不祗若王之休命

言王如

### 說命中第十三

惟說命總百官

在冢宰

**疏**

惟說命總百官正義曰惟此傳說

受王命摠百官之職謂在冢宰之任也說以官高任重乃進言於王故史特標此句為發言之端也

乃進于王曰嗚呼明王奉若天道建邦設都

天有日月北斗五星二十八宿皆有尊卑相正之法言明王奉順此道以立國設都

**疏**

傳天有至

設都 正義曰晉語云大者天地其次君臣易繫辭云天垂象見吉凶聖人象之皆言人君法天以

設官 順天以致治也天有日月照臨晝夜猶王官之伯率領諸侯也北斗環繞北極猶卿士之周衛

天子也 五星行於列宿猶州牧之省察諸侯也二十八宿布於四方猶諸侯為天子守土也天象皆

有尊卑 相正之法言明王奉順天道以立國設都也立國謂立王國及邦國設都謂設帝都及諸侯

國都摠言建樹后王君公承以大夫師長 言立

國立家之事 樹后至師長

上下將陳為治之 本故先舉其始

樹立也 后王謂天子也君公謂諸侯也承者奉上之名后王君公人主也大夫師長人臣也臣當奉行君命故以承言之周禮立官多以師為名師者眾所法亦是長之義也大夫已下分職不同每官



各有其長故以師長言之三公則君公之內包之  
卿則大夫之文兼之師長之言亦通有士將陳為  
治之本故先舉其始略言設官故辭不惟逸豫  
詳備為治之本惟天聰明已下皆是也  
**惟以亂民** 不使有位者逸豫民惟天聰明惟聖  
上言立之主使治民  
**時憲惟臣欽若惟民從乂** 憲法也言聖王法  
天以立教臣敬順  
而奉之民以 **疏** 傳憲法至為治 正義曰憲法釋  
從上為治 **疏** 傳文人之聞見在於耳目天無形  
體假人事以言之聰謂無所不聞明謂無所不見  
惟聖人於是法天言聖王法天以立教於下無不  
聞見除其所惡納之於善雖復運有推移道有升  
降其所施為未嘗不法天也臣敬順而奉之奉即  
上文承也奉承君命而布之於民民以 **惟口起羞**  
從上為治不從上命則亂故從乂也

**惟甲冑起戎** 甲鎧冑兜鍪也言不 **惟衣裳在**  
可輕教令易用兵

**笥惟干戈省厥躬** 言服不可加非其人 **疏** 惟  
兵不可任非其才

至厥躬 正義曰言王者法天施化其舉止不可  
不慎惟口出令不善以起羞辱惟甲冑伐非其罪  
以起戎兵言不可輕教令易用兵也惟衣裳在篋  
笥不可加非其人觀其能足稱職然後賜之惟干  
戈在府庫不可任非其才省其身堪將帥然後授  
之上二句事相類下二句文不同者衣裳言在篋  
笥干戈不言所在干戈云省厥躬衣裳不言視其  
人令其互相足也 傳甲鎧至用兵 正義曰經  
傳之文無鎧與兜鍪蓋秦漢已來始有此名傳以  
今曉古也古之甲冑皆用犀兕未有用鐵者而鎧  
鎧之字皆從金蓋後世始用鐵耳口之出言為教  
令甲冑與師乃用之言不可輕教令易用兵也易



亦輕也安危在出令令之不善則人違背之是起  
羞也靜亂在用兵伐之無罪則人叛違之是起戎  
也傳言服至其才正義曰非其人非其才義  
同而互文也周禮大宗伯以九儀之命正邦國之  
位一命受職再命受服三命受位四命受器五命  
賜則六命賜官七命賜國八命作牧九命作伯鄭  
云一命始見命為正吏受職治職事也列國之士  
一命王之下士亦一命再命受服受玄冕之服列  
國之大夫再命主之中士亦再命然則再命已上  
始受衣服未賜之時在官之篋笥也甲冑干戈俱  
是軍器上言不可輕用兵此言王惟戒茲允茲克  
不可妄委人雖文重而意異也

**明乃罔不休**

言王戒慎此四惟之事惟治亂在信能明政乃無不美

**庶官**

言所官得人則治失人則亂

**官不及私昵惟其能**

不加私昵

惟能是官爵罔及惡德惟其賢

言非賢不爵

**疏**官不

正義曰王制云論定然後官之任官然後爵之鄭云官之使之試守也爵之命之也然則治其事謂之官受其位謂之爵官爵一也所從言之異耳賢謂德行能謂才用治事必用能故官云惟其能受位宜得賢故爵云惟其賢詩序云任賢使能周禮卿大夫三年則大比考其德行道藝而興賢者能者鄭云賢者有德行者能者有道藝者是賢能為異耳私昵謂知其不可而用之惡德謂不知其非而任之戒王慮善以動動惟厥時使審求人絕私好也

**有其善喪厥善矜其能喪厥功**

非善非時不可動

**疏**有其至厥功正義曰人性尚謙雖天子亦必讓以得之讓而憎自取自有其善則人不以



為善故實善而喪其善自誇其能則人不以為  
能故實能而喪其能由其自取故人不與之有其  
善即伐善也舜美禹云汝惟不矜天下莫與汝爭  
能汝惟不伐天下莫與汝爭功是言推而不有故  
名反歸惟事事乃其有備有備無患非事事

**無啓寵納侮**開寵非其人**疏**無啓寵納侮  
則納侮之道正義曰君子位

高益恭小人得寵則慢若寵小人則必恃寵慢  
主無得開小人以寵自納此輕侮也開謂君出  
恩以寵臣納謂臣入慢以輕主無恥過作非

據君而言開納以出入為文也無恥過作非  
誤而文之疏傳恥過至大非正義曰仲虺之美  
遂成大非疏成湯云改過不吝明小人有過皆惜  
而不改論語云小人之過也必文恥有過誤而更  
以言辭文飾之望人不覺其非彌甚故遂成大非

也惟厥攸居政事惟醇其所居行皆如所言**黷**

于祭祀時謂弗欽禮煩則亂事神則難祭不

數則黷黷則不敬事神禮煩則亂而難行**疏**傳祭  
高宗之祀特豐數近廟故說因以戒之不至

戒之正義曰祭不欲數數則黷黷則不敬禮記

祭義文也此一經皆言祭祀之事禮煩亦謂祭祀  
之煩故傳摠云事神禮煩則亂而難行孔以高宗

彤日祖已訓諸王祀無豐于尼謂傳說此言為彼  
事而發故云高宗之祀特豐王曰旨哉說乃言

惟服言皆美也美其所乃不良于言予罔聞于行

汝若不善於所言之事則說拜稽首曰非知之艱行  
我無聞於所行之事



之惟艱

言知之易行之難以勉高宗

王忱不艱允協于先

王成德

王心誠不以行之為難則信合於先王成德

惟說不言有厥

咎

王能行善而說不言則有其咎罪

### 說命下第十四

王曰來汝說台小子舊學于甘盤

學先王之

賢且有

**疏**王曰至甘盤

正義曰舊學于甘盤謂道德者為王子時也君奭篇周公仰陳殷之賢

臣云在武丁時則有若甘盤然則甘盤於高宗之時有大功也上篇高宗免喪不言即求傳說似得說時無賢臣矣蓋甘盤於小乙之世以為大臣小乙將崩受遺輔政高宗之初得有大功及高宗免

喪甘盤已死故君奭傳曰高宗即位甘盤佐之後有傳說是言傳說之前有甘盤也但下句言既乃

遜于荒野是學訖乃遜非即位之初從甘盤學也

既乃遜于荒野入宅

于河

既學而中廢業遜居田野河洲也其父欲使高宗知民之艱苦故使居民間

學至民間正義曰河是水名水不可居而云入宅于河知在河之洲也釋水云水中可居者

曰洲初遜田野後入河洲言其徙居無常也無逸云其在高宗時舊勞於外爰暨小人言其父欲使高宗知民之艱苦故使居民間也於時蓋未為太子躬道雖質不可既為太子更得與民雜居

河徂亳暨厥終罔顯

自河往居亳與今其終故遂無顯明之德

惟訓于朕志

言汝當教訓於我使我志通達

若作酒醴爾惟



麴蘖

酒醴須麴蘖以成亦言我須汝以成

若作和羹爾惟鹽

梅

鹽鹹梅醋羹須鹹醋以和之

爾交修予罔予棄予惟克

邁乃訓

交非一之義邁行也言我能行汝教

**疏**

傳交非至汝教正義曰爾交脩予令其

交更脩治已也故以交為非一之義言

說曰王人求

多聞時惟建事學于古訓乃有獲

王者求多聞以

立事學於古訓乃有所得

事不師古以克永世匪說攸聞

法古訓而以能長世非說所聞言無是道惟學遜志務時敏厥修

乃來

學以順志務是敏疾其德之修乃來

**疏**

惟學至乃來正義曰人志本欲求善

欲學順人本志學能務是敏疾則其德之允懷

于茲道積于厥躬

信懷此學志則道積於其身

惟敦學

半念終始典于學厥德修罔覺

敦教也教然後知所

困是學之半終始常念學則其德之修無能自覺

**疏**

惟敦至罔覺正義曰教人然後知

困知困必將自強惟教人乃是學之半言其功半於學也於學之法念終念始常在於學則其德之

修漸漸進益無能自覺其進言日有所益不能自知也

監于先王成憲

其永無愆

愆過也視先王成法其長無過其惟學乎

惟說式克欽

承旁招俊又列于庶位

言王能志學說亦用能敬承王志廣招俊



又使列衆官王曰嗚呼說四海之內咸仰朕德時

乃風風教也使天下皆仰我德是汝教股肱惟人良臣惟聖

手足具乃成人有良臣乃成聖昔先正保衡作我先王保衡伊尹也作

起正長也言先阿衡俱伊尹也君奭傳曰伊尹世長官之臣

為保衡言天下所取安所取平也鄭箋云阿衡平也伊尹湯所依倚而取平也故以為官名又云

太甲時曰保衡鄭不見古文太甲云不惠于阿衡故此為解孔所不用計此阿衡保衡非常人之官

名蓋當時特以此名號伊尹也作訓為起言起而助湯也正長釋詁文乃曰予弗

克俾厥后惟堯舜其心愧恥若撻于市

言伊尹不能使其君如堯舜則一夫不獲則曰

時予之辜伊尹見一夫不得其所則以為已罪佑我列祖格于

皇天言以此道左右成湯功至大天無能及者爾尚明保予罔俾

阿衡專美有商汝庶幾明安我事則與伊尹同美惟后非

賢不又惟賢非后不食言君須賢治賢須君食其爾

克紹乃辟于先王永綏民能繼汝君於先王長安民則汝亦有

之功保衡說拜稽首曰敢對揚天子之休命對

也答受美命而稱揚之



高宗彤日第十五

高宗祭成湯有飛雉升鼎耳而雉耳不聽之

異雉祖已訓諸王賢臣也以訓道諫王作高宗彤日高

宗之訓所以訓也亡疏高宗至之訓正義曰高宗祭其太祖成湯於彤祭之日

有飛雉來升祭之鼎耳而雉鳴其目祖已以為王有失德而致此祥遂以道義訓王勸王改修

德政史敘其事作高宗彤日高宗之訓二篇傳耳不至雉鳴正義曰經言彤日有雉雉不知祭何廟鳴何處故序言祭成湯升鼎耳以足

之禘禘與四時之祭祭之明日皆為彤祭不知此彤是何祭之彤也洪範五事有貌言視聽思

若貌不恭言不從視不明聽不聰思不睿各有

妖異興焉雉乃野鳥不應入室今乃入宗廟之內

升鼎耳而鳴孔以雉鳴在鼎耳故以為耳不聰之

異也洪範五行傳云視之不明時則有羽蟲之孽

聽之不聰時則有介蟲之孽言之不從時則有毛

蟲之孽貌之不恭時則有鱗蟲之孽思之不睿時

則有倮蟲之孽先儒多以此為羽蟲之孽非為耳

不聰也漢書五行志劉歆以為鼎三足三公象也

而以耳行野鳥居鼎耳是小人將居公位敗宗廟

之祀也鄭云鼎三公象也又用耳行雉升鼎耳而

鳴象視不明天意若云當任三公之謀以為政劉

鄭雖小異其為羽蟲之孽則同與孔意異詩云雉

之朝雉尚求其雌說文云雉雄雉鳴也雷始動雉

乃鳴而雉其頸傳所以訓也正義曰名高宗之訓所以訓高宗也此二篇俱是祖已之言並是訓王之事經云乃訓于王此篇亦是訓也但所訓事異分為二篇標此為發言之端故以彤日為



名下篇摠諫王之事故名之訓終始互相明也肆  
命祖后孔歷其名於伊訓之下別為之傳此高宗  
之訓因序為傳不重出名者此以訓高宗彤日  
王事同因解文便作傳不為例也

### 高宗彤日

祭之明日又祭疏傳祭之至曰釋正義曰釋天  
殷曰彤周日釋疏云釋又祭也周日釋商曰彤孫  
炎曰祭之明日尋釋復祭也彤者相尋不絕之意  
春秋宣八年六月辛巳有事於太廟壬午猶釋穀  
梁傳曰釋者祭之旦日之享賓也是彤者祭之明  
日又祭也爾雅因釋祭而本之上世故先周後商  
此以上代先後故與爾雅倒也釋天又云夏日復  
昨郭璞云未見所出或無此一句孔傳不言夏日  
復昨於義非所須或本無此事也儀禮有司撤上  
大夫曰儻尸與正祭同日鄭康成注詩鳧鷖云祭  
天地社稷山川高宗彤日越有雉雉於彤日  
五祀皆有釋祭

### 祖己曰惟先格王正厥事

言至道之王遭變  
異正其事而異自

消疏高宗至厥事正義曰高宗既祭成湯彤祭  
之日於是有雉鳴之雉在於鼎耳此乃怪異

之事賢臣祖己見其事而私自言曰惟先世至道  
之王遭遇變異則正其事而異自消也既作此言  
乃進言訓王史錄其事以為訓王之端也傳言  
至至自消正義曰格訓至也至道之王謂用心  
至極行合於道遭遇變異改修德教正其事而異  
自消太戊拱木武丁雉雉皆感變而懼殷道復  
興是異自消之驗也至道之王當無災異而云  
遭變消災者天或有譴告使之至道未必為道  
不至而致此異且此勸戒之辭不可執文以害意  
也此經直云祖己曰不知與誰語鄭云謂其黨王  
肅云言于王下句始言乃訓于王此句  
未是告王之辭私言告人鄭說是也

### 乃訓于



王曰惟天監下民典厥義

祖已既言遂以道訓諫王言天視下

民以義為常降年有永有永非天天民民中

絕命

言天之下年與民有義者長無義者不長非天欲天民民自不修義以致絕命民

有不若德不聽罪天既孚命正厥德

不順德言

無義不服罪不改修天已信命正其德謂有永有不永

**疏**

乃訓至厥德正義曰祖已既私言

其事乃以道訓諫於王曰惟天視此下民常用其義言以義視下觀其為義以否其下年與民有長者有不長者言與為義者長不義者短短命者非是天欲天民民自不修義使中道絕其性命但人有為行不順德義有過不服聽罪過而不改乃致天罰非天欲天之也天既信行賞罰之命正其馭

民之德欲使有義者長不義者短王安得不行義事求長命也傳言天至絕命正義曰經惟言

有求有不永安知由義者以上句云惟天監下民典厥義天既以義為常知命之長短莫不由義故

云天之下年與民有義者長無義者不長也民有五常之性謂仁義禮智信也此獨以義為言者五

常指體則別理亦相通義者宜也得其事宜五常之名皆以適宜為用故稱義可以揔之也民有貴

賤貧富愚智好醜不同多矣獨以夭壽為言者鄭玄云年命者蠢愚之人尤惛焉故引以諫王也惛

貪也洪範五福以壽為首六極以短折為先是年壽者最是人之所貪故祖已引此以諫王也傳

不順至不永正義曰傳亦顧上經故不順德言無義也聽謂聽從故以不聽為不服罪言既為罪

過而不肯改修也天已信命正其德言天自信命賞有義罰無義此事必信也天自正其德福善禍



淫其德必不差也謂民有永有不永天隨其善惡而報之勸王改過修德以求永也

**如台** 祖已恐王未受其言故乃 **嗚呼王司敬民**

**罔非天胤典祀無豐于昵** 胤嗣昵近也歎以

主民當敬民事民事無非天所嗣常也祭祀有

常不當特豐於近廟欲王因異服罪改修之

嗚呼至于昵 正義曰祖已恐其言不入王意又

歎而戒之嗚呼王者主民當謹敬民事民事無非

天所繼嗣以為常道者也天以其事為常王當繼

天行之祀禮亦有常無得豐厚於近廟若特豐於

近廟是失於常道高宗豐於近廟欲王服罪改

修也 傳胤嗣至改修之 正義曰釋詁云胤

嗣繼也俱訓為繼是胤得為嗣嗣亦繼之義也

釋詁云即尼也孫炎曰即猶今也尼者近也郭

璞引尸子曰悅尼而來遠是尼為近也尼與昵音

義同烝民不能自治立君以主之是王者主民也

既與民為主當敬慎民事事無大小無非天所

嗣常也言天意欲令繼嗣行之所以為常道也祭

祀有常謂犧牲粢盛樽彝俎豆之數禮有常法不

當特豐於近廟謂犧牲禮物多也祖已知高宗豐

於近廟欲王因此雖雉之異服罪改修以從禮耳

其異不必由豐近而致之也王肅亦云高宗豐於

禰故有雉雉升遠 祖成湯廟鼎之異

西伯戡黎第十六

厥始咎周 周人乘黎 乘勝也 所祖伊恐

祖已後 奔告于受 受紂也音相亂帝乙作西

賢且 之子嗣立暴虐無道

尚九

徐炎



伯戡黎

戡亦

功

始至戡黎

正義曰文王

廷之臣始畏惡周家所以畏惡之者以周人伐而  
勝黎邑故也那臣祖伊見周克黎國之易恐其終  
必伐那奔走告受言那將滅史叙其事作西伯戡  
黎傳咎惡又云乘勝至見惡正義曰易繫辭  
去無咎者善補過也則咎是過之別名以彼過而  
憎惡之故咎為惡也以其勝黎所以見惡釋其見  
惡之由是周人勝黎之後始惡之詩毛傳云乘陵  
也乘駕是加陵之意故乘為勝也鄭立云紂聞文  
王斷虞芮之訟又三伐皆勝而始畏惡之所言據  
書傳為說伏生書傳云文王受命一年斷虞芮之  
質二年伐邠三年伐密須四年伐大夷五年伐耆  
六年伐崇七年而崩耆即黎也乘黎之前始言惡  
周故鄭以伐邠伐密須伐大夷三伐皆勝始畏惡  
之武成篇文王誕膺天命九年乃崩則伐國之年

不得如書傳所說未必見三伐皆勝始畏之傳  
祖已後賢曰正義曰此無所出正以同為祖氏

知是其後明能先覺故知賢曰傳受紂至無道  
正義曰經云奔告于王王無謚號故序言受以明

之此及泰誓武成皆呼此君為受自外書傳皆呼  
為紂受即紂也音相亂故字改易耳那本紀云帝

乙崩子辛立是為帝辛天下謂之紂鄭立云紂帝  
乙之少子名辛帝乙愛而欲立焉號曰受德時人

傳聲轉作紂也史掌書知其本故曰受與孔大同  
謚法云殘義損善曰紂那時未有謚法後人見其

惡為作惡義耳傳戡亦勝也正義西伯戡黎  
曰戡勝釋詁文孫炎曰戡強之勝也

西伯既黎戡

近王圻之諸侯

疏

西伯戡黎正義

文王也時國於岐封為雍州伯也國在西故曰西  
伯王肅云王者中分天下為二公摠治之謂之二



伯得專行征伐文王為西伯黎侯無道文王伐而  
勝之兩說不同孔無明解下傳云文王率諸侯以  
事紂非獨率一州之諸侯也論語稱三分天下有  
其二以服事紂謂文王也終乃三分有二豈獨一  
州牧乎且言西伯對東為名不得以國在西而稱  
西伯也蓋同王肅之說 傳近王至東北 正義  
曰黎國漢之上黨郡壺關所治黎亭是也紂都朝  
歌王圻千里黎在朝歌之西故為近王圻之諸侯  
也鄭云入紂圻內文王猶尚事紂不 祖伊恐奔  
可伐其圻內所言圻內亦無文也 丈王率諸侯  
告子王曰天子天既訖我躬命 以事紂內秉  
王心紂不能制今又克有黎國迫近王圻 疏傳文  
故知天已畢訖躬之王命言將化為周 王至  
為周 正義曰襄四年左傳云文王率躬之叛國  
以事紂是率諸侯共事紂也貌雖事紂內秉王心

布德行威有將王之意而紂不能制日益強大今  
復克有黎國迫近王圻似有天助之力故云天已  
畢訖躬之王命言躬祚至 格人元龜罔敢知吉  
此而畢將欲化為周也 至人 以人事觀躬大龜  
以神靈考之皆無知吉 疏傳至人至知吉 正義  
道之人有所識解者也至人以人事觀躬大龜有  
神靈逆知來物故大龜以神靈考之二者皆無知  
躬有吉者言必凶也祖伊未必問 非先王不相  
至人親灼龜但假之以為言耳 我後人惟王淫戲用自絕  
自絕於 故天棄我不有康食不虞天性不  
先王 迪率典 以紂自絕於先王故天亦棄之宗廟不有  
安食於天下而王不度知天性命所在而



所行不蹈循疏傳以紂至多罪正義曰禮記稱  
常法言多罪萬物本於天人本於祖則天與先  
王俱是人君之本紂既自絕於先王亦自絕於天  
上經言紂自絕先王此言天棄紂互明紂自絕然  
後天與先王棄絕之故傳申通其意以紂自絕先  
王故天亦棄之亦者亦先王言先王與天俱棄之  
也孝經言天子得萬國之歡心以事其先王然後  
祭則鬼享之今紂既自絕於先王先王不有安食  
於天下言紂雖以天子之尊事宗廟宗廟之神不  
得安食也而王不度知天命所在不知己之性命  
當盡也而所行不蹈循今我民罔弗欲喪曰天  
常法動皆違法言多罪

曷不降威大命不執手今王其如台

執至也民無不欲王

之云言天何不下罪誅之有大命宜王

者何以不至王之凶害其如我所言

言正義曰摯至同音故摯為至也言天何不下  
罪誅之恨其久行虐政欲得早殺之也有大命宜  
王者何以不至向望大聖之君欲令早伐紂也王  
之凶禍其如我之所言以王不信故審告之也

王曰嗚呼我生不有命在天

言我生有壽命在天民之所言豈能

害我遂祖伊反曰嗚呼乃罪多參在上乃能

責命于天

反報紂也言汝罪惡衆多參列於上天誅罰汝汝能責命于天拒天誅

乎汝功事所致汝不得無死戮殷之即喪指乃功不無戮于爾邦

就云指

於殷國必將滅亡立可待

微子第十七



之

利

學

殷既錯天命

也 錯亂

微子作誥父師少師

師告二

去 紂 亂 殷 既 至 少 師 正 義 曰 殷 紂 既 暴 虐 無 道 錯 紂 亂 天 命 其 兄 微 子 知 紂 必 亡 以 作 言 誥 告 父

師 箕 子 少 師 比 干 史 叙 其 事 而 作 此 篇 也 名 曰 微 子 而 不 言 作 微 子 者 已 言 微 子 作 誥 以 可 知 而 省

文 也 傳 錯 亂 也 正 義 曰 交 錯 是 渾 亂 之 義 故 為 亂 也 不 指 言 紂 惡 而 言 錯 亂 天 命 者 天 生 烝 民

立 君 以 牧 之 為 君 而 無 君 道 是 錯 亂 天 命 為 惡 之 大 故 舉 此 以 見 惡 之 極 耳 微 子 微 圻

名 子 爵 為 紂 疏 傳 微 圻 至 無 道 正 義 曰 微 國 卿 士 去 無 道 在 圻 內 先 儒 相 傳 為 然 鄭 玄 以

為 微 與 箕 俱 在 圻 內 孔 雖 不 言 箕 亦 當 在 圻 內 也 王 肅 云 微 國 名 子 爵 入 為 王 卿 士 肅 意 蓋 以 微 為

圻 外 故 言 入 也 微 子 名 啓 世 家 作 開 避 漢 景 帝 諱 也 啓 與 其 弟 仲 衍 皆 是 紂 之 同 母 庶 兄 史 記 稱 微

校

公

用

仲衍行亦稱微者微子封微以微為氏故弟亦稱微猶如春秋之世虞公之弟稱虞叔祭公之弟稱祭叔微子若非大臣則無假憂紂亦不必須去以此知其為卿士也傳云去無道者以去見其為卿士也

微子若曰父師少師

父師太師三公箕子也少師孤卿比干微子以

紂距諫知其必亡

殷其弗或亂正四方

或有也

不有治正四方

我祖底遂陳于上

言湯致遂其功陳列於上

我用沈酗于酒用亂敗厥德于下

我紂也

殷罔不小大好草竊姦宄

草野竊盜又為

外內姦宄於卿士師師非度凡有辜罪乃罔恒獲



六卿典士相師效為非法度  
皆有辜罪無秉常得中者  
小民方興相為敵

讎卿士既亂而小人各起一方共為敵讎言不同  
今殷其淪喪若涉

大水其無津涯淪沒也言殷將沒亡如涉大水無涯際無所依就殷遂

喪越至于今言遂喪云於是至於今到不待久疏微子至于今正義曰微子

將欲去殷順其去事而言曰父師少師呼二師與之  
之言也今殷國其將不復有治正四方之事言其

必滅亡也昔我祖成湯致行其道遂其功業陳列於上世矣今我紂惟用沈湎酣營於酒用是亂敗

其祖之德於下由紂亂敗之故今日殷人無不小大皆好草竊姦宄雖在朝卿士相師師為非法度

之事朝廷之臣皆有辜罪乃無有一人能秉常得中者在外小人方方各起相與共為敵讎荒亂如

此今殷其沒云若涉大水其無津濟涯岸殷遂喪云言不復久也此喪云於是至於今到必不得更

父也傳父師至而言之正義曰以畢命之篇王呼畢公為父師畢公時為太師也周官云太師

太傅太保茲惟三公少師少傅少保曰三孤家語云比干官則少師少師是比干知太師是箕子也

徧檢書傳不見箕子之名惟司馬彪注莊子云箕子名胥餘不知出何書也周官以少師為孤此傳

言孤卿者孤亦卿也考工記曰外有九室九卿朝焉是三孤六卿共為九卿也比干不言封爵或本

無爵或有而不言也家語云比干是紂之親則諸父知比干是紂之諸父耳箕子則無文宋世家云

箕子者紂親戚也止言親戚不知為父為兄也鄭玄王肅皆以箕子為紂之諸父服虔杜預以為紂

之庶兄既無正文各以意言之耳微子以紂距諫知其必亡心欲去之故順其去事而言呼二師以



告之 傳或有至必亡 正義曰或者不定之辭  
 其事或當然則是有此事故以或為有也鄭玄論  
 語注亦云或之言有也不有言無也天子天下之  
 主所以治正四方言殷其不有治正四方之事言  
 將必亡 傳我紂至後世 正義曰嗜酒亂德是  
 紂之行故知我我紂也人以酒亂若沈於水故以  
 耽酒為沈也酒然是齊同之意詩云天不酒爾以  
 酒鄭云天不同汝顏色以酒是酒謂酒變面色酒  
 然齊同無復平時之容也說文云醜營也然則醜  
 營一物謂飲酒醉而發怒經言亂敗其德必有所  
 屬上言我祖指謂成湯知言敗亂湯德於後世也  
 上謂前世故下為後世也 傳六卿至中者 正  
 義曰士訓事也故卿士為六卿典事師師言相師  
 效為非法度之事也止言卿士以貴者尚爾見賤  
 者皆然故王肅云卿士以下轉相師效為非法度  
 之事也鄭云凡猶皆也傳意亦然以凡為皆言卿

士以下在朝之臣其所舉動皆有 曰父師少師  
 辜罪無人能秉常行得中正者

我其發出狂吾家老遜于荒 疾生狂在家

老亂故欲遜出 今爾無指告子顛隕若之何

其隕隕墜如之何其救之 曰父師至何其

紂亂乃問身之所宜止而復言故別加一曰父師

少師更呼而誥之也我念躬亡之故其心發疾生

狂吾在家心內老亂欲遜遜出於荒野今彼父師

少師無指滅云之意告我云躬邦其隕墜則當如  
 之何其救之乎恐其留己共救之也 傳我念至  
 愁悶 正義曰狂生於心而出於外故傳以出狂  
 為生狂應璩詩云積念發狂癡此其事也在家思  
 念之深精神益以奄亂鄭玄云奄昏亂也在家不



堪毫亂故欲遜出於荒野言愁悶之至詩云駕言出遊以寫我憂亦此意也傳汝無至救之正

義曰無指意告我者謂無指躬亡之事告我言躬將墮欲留我救之顛謂從上而墮謂墜於

溝壑皆滅士之意也昭十三年左傳曰小人老而無子知擠於溝壑矣王肅云齊濟溝壑言此濟之

義如左父師若曰王子比干不見明心同省文微傳也子帝乙元子故曰王子天

毒降災荒躬邦方興沈酗于酒天生紂為亂是天毒下災

四方化紂沈乃罔畏畏咈其耆長舊有位人言起沈酒上不畏天災下不畏賢人違戾今躬民

者老之長致仕之賢不用其教法紂故今躬民

乃攘竊神祇之犧牲牲用以容將食無災

自來而取曰攘色純曰犧體完曰牲牛羊豕曰牲器實曰用盜天地宗廟牲用相容行食之無災罪

之者言政亂降監躬民用又讎斂召敵讎不怠

下視躬民所用治者皆重賦傷民斂聚怨讎之道而又亟行暴虐自召敵讎不懈怠罪合

于一多瘠罔詔言躬民上下有罪皆合於一法紂故使民多瘠病而無詔救之者

商今其有災我興受其敗災滅在近我起受其敗言宗室大臣

義不忍去商其淪喪我罔為臣僕詔王子出迪

商其沒云我二人無所為臣僕欲以死諫紂我教王子出合於道我舊云刻子

王子弗出我乃顛隳刻病也我久知子賢言於帝乙欲立子帝乙不肯病



子不得立則宜為殷後者子今若不  
出逃難我殷家宗廟乃墮墜無主  
自靖人自

獻于先王各自謀行其志人人自我不顧行

遜言將與紂俱死所執各異皆歸於父師至行

曰父師亦順其事而報微子曰王子今天酷毒下

災生此昏虐之君以荒亂殷之邦國紂既沈湎四

方化之皆起而沈湎酗營於酒不可如何小人皆

自放恣乃無所畏上不畏天災下不畏賢人違戾

其苛老之長與舊有爵位致仕之賢人今殷民乃

攘竊祭祀神祇之犧牲用以相通容行取食之

無災罪之者盜天地大祀之物用而不得罪言政

亂甚也我又下視殷民所用為治者民皆讎怨斂

聚之道也言重賦傷民民以在上為讎重賦乃是

斂讎也既為重賦又急行暴虐此所以益招民怨

是乃自召敵讎不懈怠也上下各有罪合於一紂

之身言紂化之使然也故使民多瘠病而無詔救

之者商今其有滅亡之災我起而受其敗商其沒

亡喪滅我無所為人臣僕言不可別事他人必欲

諫取死也我教王子出奔於外是道也我又云子

賢言於帝乙欲立子不肯我乃病傷子不得立為

王則宜終為殷後若王子不出則我殷家宗廟乃

墮墜無主既勸之出即與之別云各自謀行其志

人人各自獻達於先王我不顧念行遜之事明期  
與紂俱死 傳比干至王子 正義曰諮二人而  
一人荅明心同省文也鄭云少師不荅志在必死  
然則箕子本意豈必求生乎身若求生何以不去  
既不顧行遜明期於必死但紂自不殺之耳若比  
干意異箕子則別有荅安得默而不言孔解心同  
是也微子帝乙元子微子之命有其文也父師呼  
微子為王子則父師非王子矣鄭王等以為紂之



諸父當是實也 傳天生至如何 正義曰荒殷  
邦者乃是紂也而云天毒降災故言天生紂為亂  
本之於天天毒下災也以微子云若之何此若彼  
意故言四方化紂沈湎不可如何 傳言起至紂  
故 正義曰文在方興沈酗之下則此無所畏畏  
者謂當時四方之民也民所當畏惟畏天與人耳  
故知二畏者上不畏天下不畏賢人違戾者長與  
舊有位人即是不畏賢人故不用其教紂無所畏  
此民無所畏謂法紂故也 傳自來至政亂 正  
義曰攘竊同文則攘是竊類釋詁云攘因也是因  
其自來而取之名攘也說文云犧宗廟牲也曲禮  
云天子以犧牛天子祭牲必用純色故知色純曰  
犧也周禮牧人掌牧六牲以供祭祀之牲牲以牲  
為言必是體全具也故體完曰牲經傳多言三牲  
知牲是牛羊豕也以犧牲牲三者既為俎實則甲  
者簠簋之實謂黍稷稻粱故云器實曰用謂粢

盛也禮天曰神地曰祗舉天地則人鬼在其間矣  
故摠云盜天地宗廟牲用也訓釋為行相容行食  
之謂所司相通容使盜者得行盜而食之大祭祀  
之物物之重者盜而無罪言政亂甚也漢魏以來  
著律皆云敢盜郊祀宗廟之物無多少皆死為特  
重故也 傳下視至懈怠 正義曰箕子身為三  
公下觀世俗故云下視殷民所用治者謂御士已  
下是治民之官也以紂暴虐務稱上旨皆重賦傷  
民民既傷矣則以上為讎泰誓所謂虐我則讎是  
也重斂民財乃是聚斂怨讎之道既為重斂而又  
亟行暴虐亟急也急行暴虐欲以威民乃是自召  
敵讎勤行虐政是不懈怠也 傳商其至於道  
正義曰有災與淪喪一事而重出文者上言商今  
其有災我興受其敗逆言災雖未至至則已必受  
禍此言商其淪喪我罔為臣僕豫言殷滅之後言  
已不事異姓辭有二意故重出其文我無所為臣



僕言不能與人為臣僕必欲以死諫紂但箕子之  
諫值紂怒不甚故得不死耳我教王子出合於道  
保全身命終為殷後使宗廟有主享祀不絕是合  
其道也 傳刻病至無主 正義曰刻者傷害之  
義故為病也 呂氏春秋仲冬紀云紂之母生微子  
啓與仲衍其時猶尚為妾改而為妻後生紂紂之  
父欲立微子啓為太子太史據法而爭曰有妻之  
子不可立妾之子故立紂為後於時箕子蓋謂請  
立啓而帝乙不聽今追恨其事我久知子賢言於  
帝乙欲立子為太子而帝乙不肯我病子不得立  
則宜為殷後 傳言將至一途 正義曰不肯遯  
以求生言將與紂俱死也或去或留所執各異皆  
歸於仁孔子稱殷有三仁焉是皆歸於仁也易繫  
辭曰君子之道或出或處或默或語是非一途也  
何晏云仁者愛人三人行異而  
同稱仁者以其俱在憂亂寧民

尚書注疏卷第九







